

ILLVSTRISSIMI
PRINCIPIS HEN-
RICI IVSTA.

1070. l. 6.

Amel D / of Goodenest K.

VBI ET SPONSORVM
EPITHALAMIVM; ET
consolatio; & exhortatio ad
principem Carolum ad fra-
tris imitationem.



LONDINI,
Excudebat, G^o: Hall sumptibus Richardi Boyle,
& Gulielmi Iones. 1613.

ILLVSTRISSIMI

PRINCIPIS HEREDITARIARI

RICI IVSTAE

AB ET SPONSORVM

IPSI ET ALII

colloquio; et

principum Christianorum



LONDINI

Excudebat, Ge: Hall, sumptibus Roberti Hall

St. Dunstons, 1611



ILLVSTRISSIMO

PRINCIPI

CAROLO.

Qua deſueto mihi hiſce ſtudiis, publica calamitas, & meus amor, tum ſancti Principis, tum ſuperſtitum maximorum parentum, chariſſimorum fratris ſororiſque, & communis patrie, qualiacunque extorſit tibi (princeps illuſtriſſime peculiari tuo iure dicanda tamen videbantur; vt qui illi non in regni magis ſpem, quam in amulationem virtutum, & publicum amorem ſucceſſurus ſis. Habent alij, quod in eo Laudent quod amiſſum Lugeant; quod fuiſſe gaudeant, aut mirentur; Tu, quod etiam imitere. In hunc finem lege, perlege, relege, aut hic, aut vbiſcunque fraternam illam indolem, nec Leſtam vnquam ſatis puta. Quod

Epistola Dedicatoria.

*dari tibi honestius, vtilius consilium; quod te dignius, tibi
aprius munusculum, illi magnificentius encemium queat,
equidem cogitare non potui. Tu sic accipe; ac fructuere; Sic
patria, parentum aeternum decus ac solatium; Vale, Vige.*

Tuæ celsitudinis obsequentissimus
famulus

DA: HV MIVS The:

Scoto-Britannus.



HENRICI PRINCIPIS

F V S T A.



Extra Patris, Matris decus, Amborum alma voluptas,
Amborum obseruans, Natus pius; & pius idem
Frater, fratris honos; Amor idē, honor atq; sororis;
Post patrem patriæ fulcrum cōlumenque *Britanna*
Vnitæ, seu diuise, *Scotæ*, *Angligenæque*;
Scotis natum, *Anglisque* datum; sātis Aequus vtrisque;
Charus vtrisque adeo; nec fas componere, nec sit
Hos præferre, aut hos; vrget ratio acris vtrinque:
Conspiratio cunctorum, quæ sitaue multum;
*VNI*O, communi hoc compacta in pignore amoris;
*VNI*O, communi hac causâ compacta doloris;
Plebisque, Equitumq; & magni cura senatus,
Et stupor, & pavor, & dulcis reuerentia, Mundi
Expectatio rara per omnia sæcula;
Spesque bonis, terrorque malis; *Tanaïque*, *Tybrique*;
Formidatus, quam merito, tam gaudia *Rheni*;
Tam *Ligeris*, forte, atque *Tagi*, tam gloria magni
Deliciæque orbis, magni admiratio & orbis;
Siue eques exercet belli simulachra sub armis,
Siue pedes, quatit hastam, aut fulmineum rotat ense
HENRICVS, certo seu fulmina dirigit ictu,
Ingens Martis honos, ingens Mauortis alumnus.
Magni animi, at mitis tamen; excelsæ indolis, atqui
Mente

Mente humili; probus, at prudens; veraxque, tenaxque
 Promissi, fideique antiquæ; sed catus idem
 Et fraudem cognosse, & notam eludere fraudem,
 Et capere, & facere, & celare arcana: seuerus
 Fronte hilari, fortis, sed fellis & inscius iræ;
 Accessu, affatu facilis, comisque, grauisque;
 Et frugi, sine sorde tamen; sine crimine Largus,
 Munificusque & magnificus; quin grandia spirans
 Ambitione procul; re, vultu, & voce modestus
 Hac regnorum in spe, saclo hoc, his moribus atq; hac
 Aetate iuncta castus; sapiensque, bonusque;
 Absque superstitione, pius; iustusque, sagaxque;
 Ingenij, fortunæ, animique, & dotibus ingens
 Corporis; aptus, rebus, Musis nec ineptus;
 Præsidium; doctis spes, & solatia Musis.
 Siue iocos tractet, seu tractet seria, solers:
 Cura poli, cui cura polus, cui Religio altum
 Pectus, & insedit, penitus uberrima sensus.

Qualem aut optarent præsentia sæcula; præca
 Vel finxere sibi, vel Laudauere; futura
 Vel sperare ausint vsquam *Regemue, Virumue,*
 Aut *Natum*, aut *Fratreue*, aut *Socium*, *Dominumue Ducemue*:
 Vno patre minorem, vni parere scientem;
 At regere, imperio at populos frænare superbo;
 Et populis dare iura, modumque imponere juri;
 Exemplisque præire, volentem, animosque sequaces
 Ducere, siue *Togam*, pax, seu res postulet arma:
 Quam raperet campo agmen, & altas fulminet vrbes;
 Consilio, promptusque manu! Neptunia quantus
 Verberet arua volans; & totum perdomet Aequor:
 Atque polos ultra fugientes ostendat *Indps.*

Hoc orbata gemis miseranda *Britannia*? quidni?

Ingeme,

Ingeme, & accumula Lachrymas, Luctusque, nec vllæ
 Sint Lachrymæ, Luctusque satis: quod flumina Pontus
 Accipiat tua tanta, sciat non flumina Pontus
 Se capere, at Lachrymas; quod ventis personet Aether,
 Sentiat esse tua hæc suspiria; solue dolori
 Fræna pio, ni sic soluas, peritura dolore.
 Ergo age; dejecto vultu, pullataque cultu,
 Humectata genas, incessu tarda, silensque,
 (Qua planctus, gemitusque, eiularusque remittunt)
 Vt decet, incede: haud vllus tibi contigit vnquam
 Tam iustâ ratione dolor; seu funera desles
 Immatura æuo, seu spes, præreptaque Mundo
 Gaudia; cassaque vota bonorum, & aperta malorum
 Torua supercilia, atque truces fremitusque, minasque
 Insultante palam Latio. Laxato querelis,
 Laxatoque viam Lachrymis: singultibus imple,
 Aetheraque, & terras; quate totum planctibus orbem,
 Et cautes clamore, atque horrida rumpito saxa;
 Qua Tamesis, qua Tueda ruunt, quaque vltima *Thule*
 Trans orbem iacet, extremique ad Littora *Gangis*;
 Seu riget hybernis Tellus pulsata pruinis,
 Seu calido rubet axe solum; veniantque vocati
 In Luctus populi, plangentiaque agmina jungant.
 Denique sint magna hæc, sint certe maxima; quin &
 Qualia nulla vnquam Tellus, vel viderit ætas,
 Vel visura; æterna tamen ne sunt. Quid illi?
 Quid tibi profuerint? animo moderare; modusque,
 (Non peto, sit luctus) sit temporis; omnia tempus
 Edomat. Vna æterna pio stant gaudia. Et istis
 Impertire vicem. Vertet mox mensis: et Hymen
 Lætus adest, nullis turbandus luctibus Hymen:
 ELIZABETA PALATINO cum nubat, et omem

Firmer, quo Pater ipse, ac vir; Batavusque Britannusque,
Gaudeat & toris late *Germania* campos

ELI- Festum agitet, ducatque choros, & carmina dicat.

Cum DEVS ille POTENS, hominum, luctum atque tu-
Insanos populorum, immanes pectoris Æstus (multus,
Turbasque, ac tempestates, fluxusque refluxusque

- SABBATH

Sedabit, sese insinuans, minuetque labores
Iucundam aspirans rebusque animisque QVIETEM.

Adsis (ô!) lux alma, & coelo fausta sereno

Illucesce; orbique veni exoptata *Britanno*.

Nulla dies nostris illuxit lætior oris:

Nulla pijs vnquam venit expectatior hora

Tu juvenum; tu cura senum; tu grata puellis

Nuptis, innuptisque venis, plebique, equitique

Et patribus. Qui fræna regunt, qui iussa capeffunt

Vno te ore fremunt vnam: te publica vota,

Te priuata vocant. Testis Tamus, et Taus; atque

Quacunque obtensis late objacet *Anglia* regnis;

Deucaledoniaca Caledon vel tunditur vndâ.

Cynthia ne dubita, solito properantior ire,

Et Sol adde gradum, festinatosque sorori

Da reditus. Ne nocte moras. Quæ gaudia differt

Longa futura hora est omnis. Quid liuor ineptus

Perstrepat? Illa *Tago*, (jure,) et quem prætulit *Indo*

(Non regno indecorem, belloque et fortibus armis

Et prisca pierate, et religione decorum,

A magnis quas hausit auis, summa indole, summa

Spe juvenem, forma insignem, & florentibus annis)

Te sequimur *FREDERICE* ingens, votisque fauemus

Sis foelix; sit faustus Hymen, dominæque, tibi que,

Sit foceris, populisque tuis: regnisque *Britanniis*;

Quemque olim regnis promittant fata *Britanniis*,

Non

Non fratre HENRICO, non magno patre, minorem.

Eia age, magne puer, fatis, et maxime votis ;
 Alter surge HENRICVS, et illius indue mores,
 Moresque, effigiemque, et curas principe dignas
 Concipe. Nulla vnquam virtutis gratior aura
 Spirabitue aliunde, aut conciliabit amorem
 Vberior ; quam quæ veniens de corpore tali
 Expressit simulachra animi, & vestigia pressit.
 Magna manet certe te hac gloria ; sed manet vnâ
 Arduum iter tantis contendere laudibus. Atqui
 Annitendum adeo ; nec onus deponere, nec fas
 Despondere animum ; frater qua præuius iuit,
 Prona via est : tantum aude, ingens. Vel pone sequi ; vel
 Præuertisse etiam ; et magnis Deus annuat ausis.

Hæc, nobis lachrymas, spes vna abstergat : in vnâ
 Hanc positis lachrymis incumbere *Britannia* curam ;
 Et quicumque *Britannus* ades, natusue latusue
 Aut prisca de stirpe, aut iam fortè in situs ; et qui
 Eloquio, ingenioque vales ; cui vel tua virtus,
 Vel fors, imposuitue onus, aut indulsit honorem,
 Vt viuas audire, vt possis reddere voces ;
 Huc neruos, viresque intende ; hæc area lata,
 Materia hæc tæcunda venit sermonibus ; vt qua
 In verum possis virtutis ducere callem ;
 Ducere qua veram possis virtutis in arcem ;
 Atque ausis veri compendia dicere regni,
 REGNANDI QVE ARTIS. Totam quam polluit, audax,
 (Impius, impurusque, inconsultusque, procaci
 Fronte palam, positoque pudore intulsi, ineptus,
 Improbitalis prostibulum, fæx ingeniorum,
 Et scelerum concinnator, scelus ipse, nec in quo
 Præterea magnum agnoscas quid ; putidus, excors ;

Ignotus Musis, mendax, mendosus; vbique
 Inconcinnus, delirusque) *Hetruscus*, in atrum
 Torquēdus *Phlegetonta*, scholis procul, aut procul aulis
 Excutiendus, & in patrium ablegandus *Auernum*
 Congenerem, spirans tam sæda, & dira; vomensque
 Regnis perniciem, & rebus. Fuge, *CAROLE*, pestem
 Humani generis; Naturæ hostem, opprobriumque,
 Exosumque polo monstrum, catus. Incipe jam nunc
 Mature odissē, & teneris horrere sub annis,
 Quæ semper vitanda tibi; ET TE CREDERE SOLIS
 POSSE BONIS REGNUM REGERE ARTIBVS; hoc opus vnum
 Imperio dignum: Nec tu dominarier orbj
 Lege velis alia, aut diam demittere mentem
 Ad tam vile ministerium, inque ergastula vere
 Mancipium scelerum, & turpi te didere fraudi.
 Fraudi, qua seruum nihil est mage, nil mage regi
 Oppositum, qui liberius quo regnet, eodem
 Fraude minus minandus erit, temerandaque nusquam
 Maiestas sacrati apicis, vel labe, vel vlla
 Seruilibus specie fraudis: quam si induit, ille
 Næ sceptrum, & sanctum regum diadema profanat.
 O mihi tam seræ producant stamina parca,
 Vt si non, alia longe regione remoto
 Priuatos intra fines, curasque, domosque
 Cernere fas, audire tamen mens gestiat, & vel
 Posthumus hic manes accedat nuncius, vt te
 Impietas, sine se, regem confessa, (nec illā
 Indiguissē, nec in partem regniue vocassē
 Consilijue vllam) vultus suffusa pudore
 Abdiderit, regumque aures, & liquerit aulas.
 At pietas, at cana fides, at candida virtus
 Et rigido recto contenta, & simplice vero,

Nec

Nec solers minus, atque sagax, sat sufficiens, sat
 Prompta dolos cognosse, dolisque occurrere notis,
 Vt solium circumsteterint, soliumque bearint
 Firmatum; supraque omnes hoc nomine reges
 Elatum, extensumque extremi ad limina Mundi
 Trans *Alpes*, trans *Euxinum*, trans, *Caucasa*, & *Indum*,
 Cunctorum dum cuncta, et vota excefferit, et spem.

Interea fræni mitis consuesce paternj
 Ferre jugum: regat ille, et rerum flectat habenas.
 Ille viam sternit capitolia ad ardua, & ille
 Fundamenta manu quatit, immissaque latebris
 Luce, *Palatini* pandit penetralia *CACI*.
 Illum, occultantem, & cæca se nocte tegentem,
 Efflantemque, ignem, & fumos nebulæque vomentem
 Vidimus; & toras trahere in certamina turmas
Iesuidum, frustra que aditus, & claustra tuentem
 Cassa mole operum magna, & molimine vano.

Fœlix perge, *IACOB*; & clari ad lumina veri
 Dum trepidat, Latebrasque pauens circumspicit, ensis
 Cuspide cælestisque, & regis confice: funde
 Conjuratum in cœlum agmen: solioque verendo
 Inrentare manus ausum, Regumque, Deique
 Quicquid in immenso dignamur nomine mundo.
 Nec minus illius, turmas in verba, coactas,
 Iurata sue ultro, reduces in tramite veri
 Sistito, vel premito imperijs, vel trans mare regnis
 Exige; tota tuis donec pulsa exulet oris
 Impietas Romana: & Romam, vel petat Orcum
 Vnde venit, Furijs, *Erebo* & prognata scelestis,
 Et conflata hominum vano figmenta cerebro.
 Sic regna; sic viue diu, iustusque, piusque;
 Sic magnus; fraudisque omnis securus, & artis

Ioyoladum, (Latæque Lupæ, stygijque canis de
 Stirpe atra infandi monstri partuque, latuque)
 Imperium in seros serus transmittite nepotes.
 Quid dubites ? coeli ipse suis Deus excubat : ipse
 Discutit insidias ; quippe & discusserat. Et nos
 Tam deuota tibi manus, & tot pectora ; quamuis
 Tardi ire in scelera, at quæcunque pericla subire
 Haud tardi, quo iussa vocant tua, quoque salutis
 Debita cura, & verus amor coelique, tuique :
 Sentijt, & si res sic poscat, sentiet hostis.

Tantum, sancte parens rerum, qui robora, quique
 Dasque adimisque animos, lætis successibus auges
 Consilia, euertisque ; atque humana omnia nutu
 Circumagis ; placatus ades, facilisque precantum
 Fac rata vota, nec incepto indulgeto furori.
 Ille quidem quantus nos contra efferbuit (hanc spem
 Quod primâ, ostensum modo, sic succideris herbâ,)
 Faxis, cernamusque satis, Lachrymisque piemus ;
 Quæ grex, Rex, Patres, Plebs, quæ peccauimus omnes
 Te contra, cultusque tuos, & grandia iussa,
 Commissa, aut omissa, palam, clam, siue sciens quis
 Atque volens patret quid, siue quid inscius, erret ;
 En supplex genibus tua turba aduoluimur. O ! da ;
 Da veniam, pacemque ; insultantem que ruina
 Turgentemque hostem nostra, ac infanda minantem
 Excute consilij & inanes disijce fastus,
 Quos in te sumit turba impia : sentiat esse
 Te dominum ; superesse patrem ; nec de fore ; sed nec
 Deesse patri HENRICVM, dum viuat CAROLVS, atqui
 O viuat ; sceptroque patris non impar ; vbi ille
 Maturus, plenusque annis & Laude ; piisque
 Ac iustis, magnisque impleuerit actibus orbem,

Inque polum serus redijt; succedat avita
 In solia, atque omnem virtutem exæquet auorum.
 Dumque Salo, vasto & stabito circumflua Ponto
 Terra; IACOBÆA veniens de stirpe propago
 Imperet vnitis æquata Lance *Britannis*;
 Atque tua, inuito styge, fœdera vindicet orbi.
 Hæc nobis Lachrymæ, hæc cura, hæc solennia vora:
 Hæc, HENRICE, tuo fas *Iusta* impendere busto.
 Magne heros, aut si magnis heroibus vsquam est,
 Quid maius; salue æternum; monumentaque mentis
 Parua quidem, sed sume piæ; non iusta; dabit nam
 Quis tibi iusta satis? Verum te carmina nostra
 Murmure qualicunque strepant: Te Musa celebret
 Effætæ quamuis torpens sub limine vitæ,
 Et tenuisque, & egena, & desuetudine tarda;
 At grato memoret versu: Te quisquis amabit;
 Magnus erit mihi: Te qui vero amplexus amore est;
 Aeterno (quod possum vnum) amplexabor amore.

FINIS.